

Guangjisi Minzcu Bau

ganbbau: CN45-0036 B.2014 Nd.5 Ng.14 liggaauq gyapngux nienz ndwenseiq cibloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3123期

Ginzhih Si:

“Ca Gouj Yiengh”Guh Ndei Hong Minzcu

岑溪市：“九抓好”做好民族工作

Bi' gvaq, Ginzhih Si Minzcungh-ban “ca gouj yiengh” guh ndei hong minzcu, ndaej vunz lai haenhndei.

It dwg guh ndei ndwen senhconz minzcu doxgiet cinbu hozdung. Ngeih dwg guh ndei hong sinhbau hanghmoeg. Sam dwg guh ndei hanghmoeg gensez, gajndei minz-swngh diuzgen. Bi' gvaq aen si neix guh sat gak gaep doenghgij “hanghmoeg cienzngaenz fazcanj saujsu minzcu” 5 aen, roengz sat

cienzngaenz 50 fanh. Seiq dwg guh ndei sifan gensez, cauxguh “ranz minzcu”. Haj dwg guh ndei hong hengzguh cwngcwz, lai ndei dwk fuzvu vunz lai. Roek dwg guh ndei siusik senhconz, baijok bumwnz funghcaij. Caet dwg laeb ndei “sam aen duivuj”, henhoh sevei onjdingh. Aen minz-cunghban neix guh ndei hong laeb “sam aen duivuj”, couhdwg “minzcu gunghcoz sinsizyenz, minzcu gven-haeh hezdiuzyenz, minzcu gunghcoz

conhgyah guvwn” sam aen duivuj neix. Bet dwg guh ndei hong byaujcangh senhcin, hawj doenghboux guh hong minzcu de engq miznaj. Gouj dwg guh ndei beizyin, daezsang gunghcoz suijbingz. Aen minz-cunghban neix bi' gvaq guh ndei le hong beizyin minzcu cwngcwz nem fapldw fazgveih, gungh banh 5 geiz beizyinbanh, beizyin doenghboux guh hong minzcu de 300 lai vunz.

(Luz Sinhva)

Dava: Eu Fwen Doxdax Ndeiyawj Raixcaix

大化：山歌赛精彩纷呈



5 nyied 6 hauh daengz 7 hauh, Dava Bwzgingj Daihsam Gaiq Eu Fwen Yisuzcez youq Dava Yauzcu Swciyen Bwzgingj Yangh Nazzswz Cunh gwnz haw Bwzgingj gawjhengz, doenghgij canghfwen daibyauidui daj Bwzgingj Yangh nem yanghcin bangxhenz, Dunghlanz, Bahmaj, Fungsanh daengj dieg daeu de camgya le eu fwen doxdax. Youq doxdax eu fwen seizde, gak aen daibyauidui gig ndatcingz, bouboux doiq fwen lingzsingj, ndeiyawj dangqmaz, yinx le 4 fanh lai vunz daeu yawj. Ndaw doz dwg doenghgij daibyauidui ndaejciengj de.

(Cinz Gingbungz Lij Vanyangz Luz Yaujli ingj)

Dwzbauj Yen Minzcuzgiz Daengz Dieg-lienzhaeh Banh Yienhciegz Beizyinvei

德保县民族局到联系点举办现场培训会

Duh' anh Yangh Duh' anh Cunh dwg aen diemj youz Dwzbauj Yen Minzcuzgiz lienzhaeh bangfuz de, vih hawj vunz saujsu minzcu daezsang gohgi vwnzva suciz, beizyangj buek nungzminz moq miz vwnzva, rox gisuz, rox ginghyingz ndeu, 5 nyied 8 hauh, aen giz neix youq Duh' anh Cunh Nungzbaiz Lwgmak Sifanben gawjbanh lwgmak

dajndaem gisuz yienhciegz beizyinvei, Duh' anh Cunh 85 bouboux dajndaem lwgmak de camgya beizyin.

Youq guh beizyinvei seizde, aen giz neix cingj ndaw cunh neix bouboudajndaem lwgmak ak de heuhguh Dangz Gijganh, Vangz Yungjyenj, song bouboux “lauxhangz ndaw mbanj” neix gangj gij gingniemh dajndaem lwgmak, youq yienhciegz gangj

baenzlawz ganq makdoengj, makgam, makdauz daengj gomak, baugvat raed mbaw, raed ngeiq, raed nyod, coq bwnh nem fuengzre nonhaih daengj, caemhcaiq gejdap gak cungj vwndiz. Doengzseiz, lij fat 100 lai faenh gisuz swhliu gvendaengz lwgmak swngchcanj guenjieix nem fuengzre nonhaih daengj.

(Nungz Yungjfang)

SIUSIK DINJ

简讯

● 5 nyied 9 hauh, gohgi yinzyenz baedaengz Yungzanh Yen Swdingj Cin Majdenz Cunh, doiq vunz lai gangj vagimngaenz dajndaem gisuz. Dangqnaj, aen yienh neix ndaem miz vagimngaenz 1000 moux, ndaw hawciengz sou vagimngaenz moix goenggaen 20 maenz, neix moix moux hawj nungzminz laisou fanh maenz.

(Danz Gajhgingh)

● 4 nyied 18 hauh daengz 5 nyied 8 hauh, Cunghgoz Sevei Gohyozyen Minzcuzyoz Nem Yinzeiyoz Yenzgiusoij godijcuj gungh 4 bouboux daengz Lungzlinz Gak Cuz Swciyen guh diuyenz, daengz ndaw yienh neix 80 lai aen danhvei, 3 aen yanghcin, 3 aen cunh(segih), aen zozyau ndeu daengj diucaz nem soucomz swhliu.

(Dauz Dwzgvangh)

● 5 nyied 7 hauh, Lungzanh Yen gawjhengz hozdung heuhguh “seiq nyied bet” Boubxcuengh. Baez hozdung neix “vwnzva dapdaiz, ginghci ciengqheiq”, coicaenh dangdieg ginghci fazcanj, daezsang le gij mingzdaeuz aen yienh neix, 10 lai fanh vunz dangdieg nem vunzhek camgya baez hozdung neix.

(Nungz Dungh)

● 5 nyied 9 hauh, Ginhcouh Si Ginhbwz Gih Minzcuzgiz baij ganbu haeuj doenghgij cunh, mbanj, nungzhoh saujsu minzcu bae, caeuq ndaw cunh song veij ganbu nem ginzcong dangqnaj gangjgoj, doxgyau, cam gyoengq-de aeu yigen nem genyi.

(Luz Minzveiz)

● Lai bi daeu, Siengcouh Yen daihlig doihaeu nungzyez gihgaiva suijbingz. Dangqnaj daengx yienh miz gak loih dohlahgih 1.5 fanh lai gyaq, gij gih ndaem gyaj miz 389 aen, 7 aen cangj guh ung gyaj sifandenj, aeu gihgai cae naz beijlaeh dabdaengz 99.8%, aeu gihgai ndaem naz beijlaeh dabdaengz 31.7%.

(Dangz Binh)